



Aqqalu C. Jerimiassen  
Atassut

UKA 2020/201  
15. oktober 2020

**Naalackersuisut 2021-mi Asiap Kangiani sinniisoqarfimmik pilersitsinissaq pillugu  
Inatsisartut aaliangiiffigisassaattut siunnersuut.**

(Nunanut Allanut Nukissiateqarnermullu Naalackersuisoq)

Siornatigut Atassummiit oqaatigisaqattaareersimavarput niuernikkut periarfissat annertusarnissaanut tunngatillugu kangiani sinniisoqarfittaartariaqartugut. Toqqaannartumillu eqqaasareerparput Beijing-imi sinniisoqarfeqalartariaqarnerput.

Atassummiit isumaqanngilagut uagut qinikkatut, qitiusumiillu niuernikkut akuliuunnerujussuakkut niuerneq siuarsassagipput. Uagullu politikkeritut suliffeqarfinnik aallartitseqattaarluta aqutsiniartussaana, oqarluta niuerneq qaffassaripput. Niuerneq nukittoq tassaavoq kiffaangissuseqarnermik tunngavilik, unammillillaqqissuseqarnerlu. Uagullu qinikkat suleqataassaagut, oqaaseq ukiorpassuarni uteqattaarneqartuortoq kiisami timitalerlugu, tassa aqutissiuussinissamik oqartarneq.

Sillimaffissagulli eqqaamasuaannassuagut, tassami sinniisoqarfimmik Kina-mi pilersitsissagutta qanimut Qallunaat nunaata aallartitaqarfia suleqatigisariaqaratsigu paasissutissatigut illersornissaq piniarlugu, Kina nuna kisermaassiffiusumik kommunistiskiusumik ingerlasuuvoq, ittoortanngeqaallumi inuit soqutiginartitami paasissutissaataat tigooqqaaviginiassallugit.

Nunarsuarmioqataaleraluttuinnarnitsinni pingaartuuvoq nunatta avammut kiinnersinnaasunik sinniisoqarfinnik peqarnissaa, ingasammik nunanut niuernikkut pissarsiaqarfigilluartakkatsinnut.

Japanimut eqqarsaatigineqassappat, soqutiginartuusooq maanna nunap saniliata Kina-p qanoq niueqateqarnikkut tigujumaarneraa taanna toqqarneqassagaluarpat, tassami nunatut taakkua ikinngutigii viunngitsut naluneqanngilaq, tassuunakkullu mianersorfissagut eqqaamajuartassuagut.

Ilinniartitaanikkut kangiani sinniisoqarfeqarnikkut atorluarneqarsinnaasut pingaartuupput pilersinniassallugit, ingasammik Kina eqqartorneqartillugu, nunarsuarmi anneruleralluttuinnartumik niuffannerup silarsuaani alliertupiloortutut inissisimaneranni oqaasiinik niueqatigiinnerullu kulturikkut paaseqatigiiffiusinnaasumik ilusilerneqarsinnaanerani atorluagassaavoq. Niuernikkuinnaq iluaqutiginiartariaqanngilarput, ilinniartitaanerulli silarsuaanissaq Kina-p siuttuisa qanimut naapeqatigisinnaalernerini ilinniarfeqarfii sigut suleqateqalersinnaaneq ilaatigut ilinniartunik paarlaasseqatigiittarnerit eqqarsaatingalugit atorluarneqarsinnaassaqqimmat.

Uanilu siunnersuummi Asiap kangiani sinniisoqarfeqalernissamik siunnersuut tunngavigalugu, tamakkiisumik tunuliaqutseeqataalluta Atassummiit nunatsinni niuertortatsinnut aqutissiuueqataasussatut peqataassaagut.

Siunnersuummut qjalluta neriullarlutalu piviusunngortitsinissaq  
tunnigavigalugu ataatsimiitaliami ilaasortat sulilluarnissaannik kissaallugit  
innersuussivugut.

